



## Universitätsbibliothek Paderborn

**R. P. Maximiliani Sandaei E Societate Iesv Doctoris  
Theologi Architectvra Christiana**

**Sandaeus, Maximilianus**

**Coloniæ Agrippinæ, 1653**

Sermo XIII. Timor Domini Quomodo secundum Architectonicæ regulas,  
esse vel dici possit Fundamentum Ædificij Spiritualis.

[urn:nbn:de:hbz:466:1-46065](#)

## S E R M O X I I I .

### TIMOR DOMINI

*Quomodo secundum Architectonicæ regulas, esse, ac  
dici possit Fundamentum Aedificii spiritualis.*

*I*s non cuilibet est obuius, quum omnes fundamenti jaciendi mo-  
dos FIDEI & Humilitati applicasse videamur. Sed diligenti in-  
vestigatione deprehendimus ex Architectura arcanis, esse quan-  
dam fundandi rationem, qua non nominatis illis virtutibus, sed  
Timori Domini competit.

---

### A R T I C U L U S I .

#### S U B S T R U C T I O N E S I N S O L O P A L U S T R I

*Per Carbones, & Lana vellera.*

**M**AGNIFICENTISSIMA Ædes fuit Ephesiæ Dianaæ,  
quæ ducentis annis & viginti ædificata est à tota  
Asia.<sup>(a)</sup> Sed nihil in ea fuit admirabilius, quam Funda-  
mentum par tanto ædificio. Mirabantur quidam longi-  
tudinem, quæ erat quadringentorum viginti quinque  
pedum: alii latitudinem, quæ erat ducentorum viginti:  
nonnulli columnarum multitudinem, nam numera-  
bantur cxxvii. à singulis Regibus factæ, pedum sexagin-  
ta amplitudine: ex iis xxxvi. erant cælatæ. Sed plus ad-  
mirab-

<sup>(a)</sup> Plini lib. 7, cap. 33. Strabo lib. 14.

mirationis habuit Fundamentum, de quo cùm consula-  
tarent artifices, auctor fuit Theodorus nobilis Architec-  
ctus, cū Chessiphrono Gnosio, ut collocaretur in loco  
palustri, ne terræ motus sentiret, aut hiatu subsideret.  
Verū, dubitantibus, quomodo solum firmari posset,  
ut fundamentum sustineret, afferuit Theodorus, sub-  
ciendos esse carbones, deinde velleribus lanæ calcan-  
dum. Ita factum. & sic locus, cùm humidus antea esset,  
soliditatē accepit, instar saxi, factus immobilis, (a) In solido  
palustri, inquit Plinius, idē facere, ne terræ motus sentiret, at  
hiatus timeret: rursus, ne in lubrico atque instabili fundamen-  
tante molis locarentur, ante calcatis in ea substravere carboni-  
bus: deinde velleribus lanæ. Approbat hunc fundandum mo-  
dum Vitruvius (b) in suis architeconicis, quem ad ien-  
nostram accommodemus.

(a) Diogenes. Pausanias. Plin. lib. 36. cap. 14. (b) Vitruvius lib.  
3. cap. 3. & lib. 5. cap. 12.

## ARTICVLVS II.

## ANIMA HUMANA

*Humus est paludosus. Carbo Timoris Domini Symbolum.*

**A**DIFICAMUS Domū Sapientiæ in solo palustri. In  
sanè recte concipitur Anima hominis, quæ limo-  
est, & obducta perturbationum stagnantium aqua: se-  
faccatur facile ad solis Justitiæ ardorem, in gratiæ pec-  
liaris æstate; licet abundet undis in sœva tentationum  
hieme, ac desolationis bruma. Quod autem in humi-  
paludosa accidit, id in nobis experimur. Sunt in anxi-  
velut coaxantes ranæ passionum, lumbrici affectuum  
limus imperfectionum, cœnum cogitationum vanili-  
marum.

iarum. Unde est impura mortua, deses. Verum, in palustri fundamento non ponitur, nisi fuerit tellus in aquosa, nempe, sine aqua, quae vel exsiccata fuerit, vel haustoriis instrumentis educata, vel alium in locum derivata. Accommodatè ad institutum nostrum S. Ambrosius (a) disputans de deserto, in quod secessit Christus Matthæi iv. docet, libenter illum in nobis habitare, velut in Domo Sapientiae, quae est Sapientia Incarnata, cum corporis nostri quasi terram faine squalidam, ac siti aridam reperit. Quare necessarium est, ut humus nostra sit deserta à mundanis deliciis, invia diabolice concupiscentiis, inaquosa libidinosis illecebris. Nimis aliquid ad illud psal. lxii. In terra invia & inaquosa, sic in sancto apparui tibi. Simile quid scribit S. Hieronymus, (b) qui censet, neminem esse Dei habitaculum, nisi prius in eo invenerit terram desertam à vitiis, & inviam adversariis potestatis, & absque humore ac rheumate ullius libidinis.

NUNC autem, quoniam Anima nostra est velut terrapalustris, aquosa, ideoque lubrica & instabilis, quid factò opus, ut fundatum tantæ molis, quanta est Domus Sapientiae, sustineat? Imprimis oportet substertere calcatos carbones. CARBO symbolum est TIMORIS DOMINI. quod ne fingere videamur ex ipsis oraculis divinis est confirmandum. Ex iis autem deducitur, duplice nomine Timorem Domini Carbonem, tanquam symbolo, significari. Primo quidem, quia omnia Spiritus sancti dona, inter quae Timor, ut Carbones igniti concipiuntur, eam ipsam ob causam, ob quam Divinus Spiritus ignis in linguis, id est, carbonibus, in linguarum formam effectis Apostolorum verticibus insedit. Sive

Secunda Pars.

Bb

quod

(a) S. Amb. ser. 37. edit. veter. vel 39. Röm. aut ser. 77. de temp.

(b) S. Hieronym. epist. 46:

quod se Patri consubstantialem, simulque Filium Dni vellet ostendere: vocatur enim Deus *Ignis*, Deuteronomii xxxxi. sive quod se vim purgandi, convertendi, consumendi habere hoc symbolo indicaret. Sive quo revera sit, de quo canit veritatis assertrix Ecclesia:

*Fons vivus, IGNIS charitas.*

recte igitur Dona divini Spiritus veluti Carbones ambo obijciuntur.

HORUM autem multiplex est usus: nam præterquam quod ad fundamentum Domus Sapientiae adhibeatur, ut postea explicabitur, ollis eos suis Deus subiicit calorem iis in aquam frigidissimam, & congelatam inducit, frigus educit, eduliaque in iis constitipata epulis divinæ mensæ parat, quæ sunt bona desideria in anima carbonibus illis benè cocta. Ego certe sæpenumero animam humanam concipio ex Jeremia Propheta, vt Ollam, primùm algidam peccati glacie, mox tepidam Timoris servilis carbonibus substratis, tandemque effuscentem Timoris filialis flamma crepitâ. *Fadum inquit Propheta cap. I. Jer. 1. 13. Verbum Domini secundum me, dicens. Quid tu vides? & dixi, Ollam succensam ego video, faciem ejus à facie Aquilonis.* Hanc Ollam symbolicè designare animum perversum infidelium Hebræorum estimat S. Gregorius: (a) glaciem autem & frigus, indutam eorundem perfidiam à malo Aquilone provenientem. (b) Ego magis universè, peccatoris cuiuslibet obnati cor concipio, instar Ollæ ferreæ, quæ plena sit aqua conglaciata. Miser homo, qui talem circumfertollat sed miseriæ hujus non est remedium, nisi per misericordiam, qua motus Dominus, mittit è cœlo carbones, gelus solvat. Cor hominis criminosi, velut Ollam carbones cœlestes, Dona Sancti spiritus, & Timoris portum.

(a) Homil. 3. in Ezech. (b) lib. 29. Moral. cap. 21.

mùm si cingant, solvitur pervicaciæ glacies, obduratio paullatim colliquescit per timorem servilem: si accedat initialis, & cum filiali ardor caritatis, cordis intima inflammantur, & conversus ad Deum desinit esse, qui fuit, & incipit esse, qualem se sentiebat, qui instanter oraverat. *Cor mundum crea in me Deus, & Spiritum rectum innova in visceribus meis.*

JAM verò, Carbones, Timorem Domini, quem Servilem dicimus, & ædificii spiritualis est fundamentum, alio nomine peculiariter exprimunt, quoniam pœnas impiorum, temporales & æternas, flammarum gehennales, Deumque ut justissimum & severissimum Judicem malefactorum symbolicè denotant. Ita *Carbones desolatores* exponit S. Basilius, considerans illud psalmi cxix. *Sagittæ potentis acutæ cum carbonibus desolatoriis*, quia desolatum faciant eum, qui pœnas illas sustinet, lxx. Interpretes habent, ἀρθρας ἐγκυροβ., quasi desolantes, quod nimurum desolationem talem inducant, ut omnia redigant in solitudinem, sicut ignis devorans, ædes, civitates, populos, provincias, omnia. Nebiensis legit, *cum carbonibus genistarum ardentibus gehenna inferius*. Quo indicatur inferni pœna ignis diutissimè durantis, nempe, in perpetuum. Idem significavit Nicetas doctus Nazianzeni Scholiastes, Orat. 42. Interpretans Carbones istos vindices & malos. Rabbi Salomon quoque explicat de igne gehennæ inextinguibili, quo puniantur Babylonii, qui vexaverunt in captivitate populum Israël. Alii apud S. Chrysostomum legunt: *cum carbonibus constipari*. Non nulli, cum *Carbonibus in lecti formam constrari*, quo nihil singi potest accommodatius, ad miserrimum damnatorum situm inter flamas cubantium exprimentur. Et passi sunt quid simile Martyres aliqui, in carbonibus constrata culcitra resupinati. S. Hieronymus legit, *Carbo-*

B b 2 nes

nes juniperorum, Quidam alii, gemistarum. Certè juniperorum carbones diutissimè ignem conservant, suntque ardentissimi, & cùm videantur foris extinti, redactique in cineres, interius ardent, ut tradunt Plinius & Theophrastus. (a) Confirmat ea S. Isidorus, (b) & inter eumologias hanc adfert de Junipero, quod ab amplior angustum finiat, ut ignis:live quod conceptum diutineat ignem, adeò, (c) ut si primæ ex iis cinere fuerint operæ, usque ad annum perveniant. Quod nūq; apud Græcos ignis dicatur pueris notum est: illud etiam in confessō, diutissimè in junipero servari ignem: est enim illius materia densa, pinguis, & quodammodo incorruptibilis. Plinius autē auctor est, cariem vestustatemque non sentire: ac templi cuiusdam trabes ætate su durasse, quod annis ante Troiæ excidium ducentis constructum fuerat.

CARBONUM eorundem fit mentio psalmo cxxii.  
**Cadent super eos carbones: in ignem deiçies eos: in miseriū non suffiſſent.** Sermo est de supplicio improborum, quod sufficiant, carbonibus ignitis in eos immisis, ut iis obruantur, nec possint oppressi se erigere, atrollere, subsister. Docent autem gravissimi Interpretes, pertinere hoc facinorosos, æternis Carbonum gehennæ incendiis propriendos, ac in gehennales flamas, unde nunquam empiantur, aut emergant, deiçendos: ita, ut illa tormenta intoleranda (sic loquuntur) tolerare semper cogantur, & de uno transire ad aliud, absque spe ullâ liberationis. Quod clarissimè significat Chaldæus Paraphrastes, quia ita vertit, **Cadent super illos carbones de cœlo: in ignem gehennæ præcipitabit eos: in foveas scrobium, ex quibus non resurgent, vitam æternam.** Vel, ut est in textu, & translatione

(a) Apud Genebr. in psal. 119. 4. negat Lorin. se reperiſſe apud illos. (b) Isidor. l. 17. Orig. cap. 17. (c) Hoc ridet Scaliger Excid. 328. in Cardan.

Nebiensis: Cadent super illos carbones: de cœlo in ignem, & in gehennam præcipitabis eos, & in foveas scrobium, de quibus non resurgent: item, in foveas illaqueationis cadent: & non resurgent ad vitam aeternam. Nonne meritò ad hæc tinniant aures impiorum, quibus acclamari potest, quod est apud Isaiam: cap. xxxiiii. *Quis poterit habitare de vobis cum igne devorante? quis habitabit ex vobis cum ardoribus sempiternis.* Denique, Carbones decidentes super damnatos, sunt; (a) qui designare putant Dæmones, ac etiam damnatos alios, quasi ruerentes super alios, cum faciebus fuliginosis & denigratis super carbones, ut loquitur Jeremias in Threnis: (b) Quod præclarè denotat pœnam in inferno demorum. Et alluditur ad ignem Sodomiticum, quo civitates quinq; conflagrariunt, descendente igne in pentapolim, Sapientia x. & ad ignem egressum à Domino, qui devoravit Nadab, & Abiu filios Aaron, Leviticus. & alios postea murmuratores, Numeri xi. Ar quoque & habitatores Arnon, Num. xxii. Atque ita periit ob infidelitatem impietatemq; suam. Olympius Arianus Episcopus in Africâ, dum in balneo S-S. TRINITATEM blasphemaret: ignito enim triplici jaculo cœlitus prosiliente, multisque videntibus absimus est. (c) Præterea, Imperator hæreticus Anastasius. (d) Atque ob improbitatem Hatto Moguntinus Antistes, malæ famæ vir. (e) Sensus itaque illius comminationis est. Cavete criminis, sagittæ potentis Judicis sunt acutæ cum carbonibus desolatoriis, carbones ignitos vobis immittet, & in carbones vos deicet, ut, & cadant carbones super vos, & ipsi cadatis in eosdem, fulminati & cooperti ab illis, perpetuo in iis rotandi.

Bb 3 CAR-

(a) Martinus Alfernus. (b) Thren. 3.5. (c) Sigeber. Chron. Zonaras tom. 3. (d) Sigeber. Chron. Crantius Metrop. lib. 2. cap. 25. lib. 3. c. 4. (e) Serar. lib. 4. Moguntiac.

CARBONES itaque isti calcandi sunt in animâ , tanquam in terrâ palustri , ut fiat solum . Fidei fundamento sustinendo idoneum . Clarius meditatione crebrâ suppliciorum , maximè , infernalium , eorumque salutari metu ac formidine , quæ dicitur *Timor Domini Servilis* . Anima peccatoris , quæ ob insitam vanitatem , & affectuum , ac criminum humorem redundantem , instar aquæ , diffilit , exsiccatur , firmaturque : & sic apta redditur , ut Fidei fundamentum suscipiat , sustineat , retineat . Ita enim fit , ut licet anima fuerit antea , ceu terra palustris , tamen in ea jam nequaquam , ut in lubrico & instabili fundamentum ponatur : stabilitur enim ac solidatur , immò lapidescit , istis in ea calcatis carbonibus . Quod clarissimè , absque ulla metaphora , docent ædificationis spiritualis Magistri . S. Cyrillus Alexandrinus imprimis , qui lib . 2 . cap . 16 . sic Isaiam exponens scribit : *Tenendum est , animam Dei Timore , velut muro ob septam forem esse , & quodammodo invictam* . Firmatatem igitur communicat Timor Domini . Quocirca monet Salomon ut firmatatem nostram fortitudinemque in Timore illo sitam putemus . *In Timore fiducia fortitudinis* , inquit Proverbiorum xiv . Et , qui timet Dominum nihil trepidabit , & non pavebit , quoniam ipse est spes ejus . Quod pulchrè atque eleganter deducit Lactantius desumpto ex Philosophicis principio . Nemo dubitat , inquit , lib . vi . de vero cultu , qui timidi & imbecilli sunt animi , aut dolorem metuere , aut egestatem , aut exilium , aut carcerem , aut mortem : quæ omnia , quisquis non exhoruerit , fortissimus judicatur . Qui autem Deum metuit illa universa non metuit . Rectè nam Timor Domini , etiam Servilis , expellit Timorem exilii , servitutis , carceris , egestatis , omnisque alterius rei formidinem : siquidem timens Deum , eligit potius mortem , universamque suppliciorum molem sustinere , quam Deum offendere .

offendere, Calcatis igitur in anima, ut palustri solo, per Timorem Domini, Carbonibus gehennæ, soliditas obtinetur: nam Carbones isti absunt paludis immundæ humorem omnem: hoc enim habet gehennæ Timor, ut observat Climacus gradu ultimo. Sic ergo in anima aptatur ad Fidei fundamentum locandum locus.

---

## ARTICULVS III.

## CARBONES JUDICIS SEVERI,

*Lanæ vellera Patris benigni sunt symbola.*

VERUM, Carbonibus istis, ex Architecturæ sacræ præscripto, conjungēda sunt Lanæ vellera, quibus magis magisque firmatur animæ solum: id est, ut clarissime dicam, Timori copulanda est Misericordiæ divinæ, per Christum Salvatorem, Fiducia, sine qua minus effeta firma subtractionis moles. Hoc est, quod docuit Tridentina Synodus, eo loco, in quo egit de Fundamento, quod indirectè, quia dispositivè ad Ædificium spirituale requiritur, id est, de præparationibus ad sanctificationem peccatoris. Postquam enim dixisset: peccatores à Justitiæ divino Timore utiliter concuti, addidit, eosdem tunc ad Misericordiam Dei considerandam se convertendo in spem erigi, fidentes, Deum sibi propter Christum, propitium fore, sicque paulatim ad justitiam & sanctitatem, perfectam perduci, Sessione vi. cap. 6. Bene autem per Vellus Lanæ, Misericordia, mansuetudo, & longanimitas Dei Opt. Parentis significantur. Est enim Vellus ab animalium mansuetissimo, ipsoque Misericordiæ symbolo, Ovicula resecatum. Immò,

in Litteris divinis, per Vellus exprimitur *in quiete et mansuetudo*, seu longanimitas. Sic Psalmus LXXXIX. 10. ubi ex LXX. legitur: *Quoniam supervenit mansuetus*, in Hebreo legi potest *gez gez*, quæ vox alibi (*a*) per Vellus redditur. Hoc *Lana et vellus*, id est, *Dei Misericordia*, si cum Carbonibus, id est, judiciorum divinorum Timore prematur, & & calcetur in corde, omnem illecebrarum humorem ex paludosa illa tellure exprimit, solumque ejus ad sustinendum virtutum palatum stabiliet.

(a) Deut. xviii. 4. Job xxxix. 20. Serarius Judic: vi. q. 24. n. 5.

## ARTICULUS IV.

### CHRISTUS JESUS

*Ceu Lana Vellus, Aedificio spirituali virtutum supponendus.*

**M**ELIUS forrasse fecero, si *Lana Vellus* fundamento Domus spiritualis substernendum, dicam esse illum, sine quo nulla inchoatur, sive in terris, sive in cœlis, Palatii moralis, mystici, divini, ædificatio, quodque omnibus supponi debet, ut firmitatem assequantur. Is est **CHRISTUS JESUS**, viuum virtutum omnium Fundamentum, ac unicè solidissimum. An non enim in Christum Charismata Divini Spiritus, sicut *Pluvia* in *Vellus* descendere? *Quid VELLUS Gedeonis significat*, inquit suavissimus Bernardus, Sermone 2. super Missas, *quod utique de carne tonsum, sed sine vulnere carnis, nisi Carnem adsumptam de Carne Virginis absque detimento Virginitatis*. *Cui utique distillantibus cœlis, tota se infudit plenitudo Divinitatis*. Si Christus est Agnus Dei innocens & immaculatus,

us, ejus Caro est candidissimæ Lanæ Vellus, cuius meritis omnia ædificandi impedimenta auferuntur. Videatis-ne quām bellè convenient Architecturæ sacræ profanæque observationes. Ex quibus deduximus, accommodatio sensu, Timorem Domini, & ejusdem misericordiæ fiduciam, adjunctis Agni immaculati exuviis, ac meritis, esse *Carbones & Lanæ Vellera* in palustro animæ solo jacienda & calcanda, ut Domus Sapientiæ, quæ Divinum est virtutum ædificium, possit exsurgere.

## ARTICULUS V.

## ARTIFICIUM ARCHITECTONICUM

*Collocandi fundamentum, adactis in imo Palis.*

MAGISTER Architecturæ vulgaris Vitruvius libro tertio cap. 3. quod est de foundationibus, tam in locis solidis, quām congestitiis, postquam docuit, / foundationes in solido fieri debere, si queat solidum inventi, addit, si hoc non reperiatur; sed locus sit congestitus adimum, aut paluster, debere palis alneis, aut oleagineis, aut robusteis ustulatis configi, sublicæque machinis adigi, & tunc structuris solidissimis fundamenta implenda esse. Alii brevius id exprimi posse existimant, & dicunt, terram prius fistulationibus, nempè, palis è robo, alno, olea ustulatis, & fistuca machina adactis solidandam, antequam principale fundamentum jacatur. Idem præceptum inculcat lib. v. cap. 12. Atque secundum hanc regulam, Venetiis, cùm ea vrbs Adriatici maris stagnis & paludibus inædificata sit, fundamenta ædium constituuntur. Quod refricat mihi memoriam

B b

civi-

civitatis nobilissimæ, & emporii in tota Europa celeberrimi Amstelodami, (quod mihi natale solum Anno 1578.) Hæc urbs viris pariter, & opibus præpotens, in intimi sinus Batavici fauibus posita, præter naturæ munimentum, operibus etiam pro loci genio haud invalida, quùm paludoso minimèque firmo solo inhæreat, aut, ut quidam asserit, (2) potius in undis natet, fundamenta non nisi incredibili impendio poni patiuntur, adactis per fistulas trabibus arboribusque ingentibus, aut substrata materia, per sublicas connexa. Quo fit, ut putentur fundamentorum impensa subinde reliquam structuram æquare vel excedere,

(a) Hadria. Junius in Batavia.

## ARTICULUS VI.

### TIMOR DOMINI

*Comparatur cum Palis oleagineis, alneis, robustis.*

**A**NIMA hominis infidelis, aut peccatoris, ut jam ante præscripsi, vndis criminū est obruta, vel iis innat, verè palustris, instar terræ, aquis immersæ, nihil habens in imo solidi, cùm non nisi vanitate innitatur, & rebus nihili, immò, sit ipsa Vanitas, & umbra mendacioque instabilior. In illo tamen, ad id destinato solo, Ædificium spirituale exstruendum est, cuius Fundamentum sit Fides ære perennius. Quid remedii? ab Architectura id petendum. Hæc docet, ut audivistis, terram istiusmodi fistucationibus esse solidandam, adigendos creberimè Palos ustulatos, ex olea, alno, robore, tūc verò iis superædificandum. In Architectura-sacra, quam hic profitemur,

mur, *Palus* est *Timor Domini*, cuius varia officia, & functiones, sunt veluti Pali multiplices, quibus spiritualis fit palatio. Iis enim anima confixa solidatur, ut ad suscipiendam substructionem Fidei, aliarumque virtutum structuram sit aptissima. Hanc sive conceptionem, sive applicationem suggerit mihi Architecturæ sacræ peritissimus Rex David, qui cum haberet in optatis, ut in anima sua à supremo Architecto Ædificium virtutum extigeretur, sciret autem solum istud esse paludosum à stagnantibus concupiscentiæ undis, arque idcirco, non posse, nisi adactis palis fulciri, precabatur identidem, quod est. *Psalmo cxvii.* *Confige Timore tuo carnes meas: iudicis enim tuus timui.* Ac si ita oraret supplex. Quæso Te, Princeps clementissime, & Architecte sapientissime, tuis non solum auspiciis, sed & sumptibus præpara locum palationibus necessariis: nam mihi id est impossibile, cum incredibilis impendii sit, in aquis vanitatis fundamenta jacere: deinde, manum ipse ædificationi admovebo sedulò. *Confige Timore tuo carnes meas.* Ita Timore, tanquam Palis, suppliciorum igneorum jugi memoria præstulatis caro configitur, & solidatur. Nec temoveat, quod carnem nominet, non animam: per carnem enim intelligit, non corpus hoc, quod circumferimus, sed carnales cupiditates, quæ sunt in anima, ut subsiliens & fungosa terra, minimè firma: illas enim petit Timoris palis transfigi, ut se amplius commovere non valeant. Loqui autem Psalmistam de Timore Servili, qui fundamentum est fidei, quamvis alii de filiali intelligent, omnino est verisimile.

Et quidem Timor ille multa habet cum Palis communia, ne quis symbolum & similitudinem calunniatur. IMPRIMIS enim, sicut Palus, quia desinit in acumen, terra infigitur, illamque perforat, penetratque, ita

*Timor*

Timor gehennæ , seu pœnarum peccatis debitarum non hæret in superficie , nec cute tenuis perstringit, sed sese in interiora insinuat , totum hominem pervadit, perque omnes transit potentias, intellectum, voluntatem, memoriam. Ideo Timore turbatur homo, & interius exteriusque concutitur. Quare, quod Interpres Latinus noster vertit , *Confige Timore tuo carnes meas*, S Hieronymus legit : *Horripulavit à Timore tuo caro mea* hoc est, horrore invalit , qui ad exteriora etiam diffusus est. Deinde , Pali ad fulcienda ædificiorum fundamenta fistucis adiguntur. Est autem Fistula machina, quâ pavtores utuntur, utrumque ansata ad pulsandum idonea, qua pali terræ insinuantur , ac tundendo insiguntur, haud secus ac mallo clavi. Timor in animam defigitur consideratione suppliciorum æternorum : quæ, instar fistucæ, duas ansas habet: nam & speculativa esse debet, & practica. Præterea, Palus festuca adactus, excludit, vel extrudit quicquid est molle & obvium, sibiique idcirco contrarium. Timor Judicis Dei & infernalium tormentorum meditatione theotoco-practica animæ immissus, pellit mollem omnem concupiscentiam, extrudit timorem mundanum, affectus omnes alios occurrentes, ut sibi adversos deprimit, nec resurgere patitur: peccata profligat. *Timor Domini*, inquit Ecclesiasticus cap. i. expellit peccatum: nimis, ut Palus, quicquid est obvium sibi resistens. Ad hæc, pali in palustribus, terram fistulosam pumicosamque , si crebri, ac spissæ adgantur, densant, quia nulla relinquunt foramina, nullas foveas. Haud secus , Timor Domini multiplex animæ solum, vanitate pumicofum, fistulosum, & crumarum plenum, ac dissolutum unit, stipatque, neq; in illa sinit permanere ullas vanitatis levitatisve foveas. Quod oppido ad virtutū fundamentum jaciendum est necessariū.

De-

DENIQUE. Pali in terram densè adacti humorem omnē adificationis impedimentum, comprimendo, & extundendo pellunt. Et hoc proptium est Timoris Servilis, qui de Dei Judice, & pœnis Inferni concipitur, & mēti profundissimē imprimitur: exprimit enim omnem lasciviæ, petulantiaæ, & cujuslibet criminis, aut peccati humorem noxiū.

Quod adeò est verum, ut apud S. Lucam capite xxii. dicat Dominus, quod homines, Judicii metu, arescent: (*Arescentibus, inquit, hominibus præ timore*) Et nonne David hoc Timore salutari percusus exclamabat? *Offa mea,* sicut crevum aruerunt, Psal. cii. 4. Iterum, *Conversus sum in erumna mea, dum configitur spina:* Psal. xxxi. 4. scilicet, dum spinosus, vel acutus, ut spina, Palus Timoris infigitur. Quod alii legunt ex Hebræo: *Immutatus est humor meus in siccitates et ariditatis.* Alii, *conversa est, aut eversa pinguedo mea, & humidum meum in siccitates.* Nonnulli, *vertebatur succus meus in siccitatem et ariditatem.* Denique, aliqui: *mutatus sum, ut ex succulento factus sim aridior, quam sint arista in media messe.* Exprimit enim humorem omnem, pinguedinemque deliciarum, ac concupiscentiaæ Palus Timoris de Deo Judice. Quare existimat S. Basilius, non esse efficacius ullum instrumentum ad concupiscentiam extrudendam ex anima, quam Palum Timoris Domini. Sic enim scribit in Psalmum xxxiii. *Cum ad peccatum aliquod progrederes, cogita mihi horrendum illud & non ferendum Christi Iudicium, quæque illud antecedent, comitabuntur, ac sequentur.* Hæc time, atque hoc Timore eruditus, animam à Concupiscentia ad hanc mala retrahere. Quod si fiat, victoriam jugiter spondet. Similis est exhortatio S. Ephæm, sermone luculentio de Patientiia. Idem suadebat Sapiens sententia illa apud omnes vulgata, utinam ab omnibus æquè intellecta: *Memorare novissima tua, & in aeternum non peccabis:* hoc est, memo-

memorare mortem certam, Judicium districtum, supplicium sempiternum; & non peccabis: nam horum qui meminit, non peccat, dum meminit: non quia meminit tantum, quid enim ad rem meminisse solum? sed quia memoria, tanquam fistula, Palos Timoris salutaris sibi infigit, quibus ipse transfixus, omni humore vitorio liberatur, & redditur in bono firmus, constans, immobilis.

## ARTICVLVS VII.

TIMOR DOMINI SALUTARIS

*Olea. Alnus. Robur.*

**N**ON est reticenda Palorum, quos ad Aedificatio-  
nem nostram necessarias esse probavimus, mate-  
ria, nec hujus transilienda consideratio, cum sit utilissi-  
ma, ut Timoris natura penitus inspiciatur. Materiam  
nominat Vitruvius tres arbores, *Oleam, Alnum, Robur*, in  
quibus invenio symbolicè significatas eas qualitates,  
qua Timori inesse debent, ut ad fundandi effectum sit  
idoneus.

I. OLEA symbolum est Misericordiae. Ita ferri debet  
Timor in Deum Justum, ut Misericordem etiam con-  
templetur. *Olea* luctatoris est hieroglyphicum, quod  
oleo olim vnguentur pugiles:

Cetera populea velatur fronde juventus  
Nudatosque humeros oleo perfusa nitescit.  
canebat Poëta. (a) Oportet Timorem esse fortem,  
animosum, luctatorem, qui omnibus mollitiei affecti-  
bus

(a) s. Aeneid,

bus se opponat, passiones teneritudinis aggrediatur,  
adversarios seriae conversionis oppugnet.

*Olea pacis est tessera.*

*Paciferæque manu ramum pretendit oliuæ.*

Et supplicis animi:

----- *Centum Oratores*

*Ire jubet ramis velatos Palladii omnes.*

*Velati ramis oleæ, veniamque regantes.*

Et tranquillitatis. Hinc illud *Oleo tranquillior*. Et naturæ hoc adeò tranquillæ perhibent, ut mare, rem omnium turbulentissimam tranquillet. Timor Domini, qui sit initium Sapientiæ, inhærere debet animæ, ad pacem cum Deo, ad quietem secum, ac cum proximo stabiliendam compositæ; debet esse mentis demissæ, humiliæ, ac suppliciter veniam postulantis.

II. ALNUS est arbor, quæ ex aqua provenit, ideoq; a quosis gaudens locis, ita fortasse dicta, quod amne alatur. Nascitur juxta fluvios, aquis obruta, inquit Vitruvius. Vnde & lignum ejus ad navalem materiam impri- mis commendatur.

---- *fluctibus aprior Alnus.*

canebat Lucanus. Aqua, ut sæpius est probatum à nobis, in arcano sermone-, Gratiam Spiritus divini significat, ex qua nisi Timor, ut ex aqua Alnus, procedat, ad fundandam Domum Sapientiæ est inutilis. Non enim Timor naturalis, qui viribus naturæ gignitur, sed supernalis solùm, quæ Gratia est Christi, seu Spiritus sancti fœtus, ad fundandum hic valet. Si sit præterea, sicut *Alnus*, ut non facile corrumpatur: quod *Alno* tribuit Vitruvius. Immò, ut idem scribit, in palustribus locis palationibus crebro fixa permanet immortalis ad æternitatem. Non

Timor

(a) Æneid, 8. (b) Æneid 7. (c) Æneid, 11. (d) Plini. lib. 2. c. 10;

Timor diarius, non horarius, multo minus momentaneus, sed firmus, & quadamtenus incorruptibilis est. Initium Sapientiae Timor Domini manet in eternum. Alno incorruptibilior, est magis immortalis. Timor Domini sanctus, permanens in seculum seculi. Psal. xviii. 10.

III. ROBUR, ultima Palorum ad fundamenta aptorum materia, est species arboris glandiferæ durissimæ, fortitudinis, ac firmitatis inconcussæ hieroglyphicū. Omne quod forte est Robur vocamus scribit Servius, & passim tum pro animifortitudine, tum pro corporis firmitate, per translationem, sumitur: magnitudinis vastitatisque est visendæ. Debet esse Timor tuus roboreus, firmus, fortis, & qui magnitudine ac vastitate totam animam, ejusque facultates omnes occupet: qui expandat ramos ab appetitu rationali ad sensitivum: ut non solum voluntatem afficiat, sed sensum quoque. Talis est Timor, qui horripilationem, tremorem, gemitus, & alias animi ac corporis commotiones gignit. Hic si quis alias, tanquam Palus ex labore, animam transfigit, expellit peccatum, & firmitatem inducit insuperabilem:



## S E R M O XIV. F V N D A M E N T A *Domus Sapientiae*

Seu

*Ædificii Spiritualis*

VERBVM DEI. BONVM EXEMPLVM  
CATECHISMVS. CONCIO. EXHORTATIO.

PRAE-